



Sud Bosne i Hercegovine
Суд Босне и Херцеговине

Broj: S1 3 Iž 043628 22 Iž
Sarajevo, 15.08.2022. godine

Sud Bosne i Hercegovine, u vijeću Apelacionog odjeljenja sastavljenom od sudija Vesne Trifunović kao predsjednika vijeća, Dinke Bešlagić-Čovrk i Zvezdane Antonović kao članova vijeća, odlučujući o žalbi Đogo Enite, F. ..., izjavljenoj protiv Odluke Centralne izborne komisije Bosne i Hercegovine broj: 06-1-07-1-608-3/22 od 04.08.2022. godine o odbijanju upisa u izvod iz Centralnog biračkog spiska za glasanje izvan Bosne i Hercegovine za Opće izbore 2022. godine, u nejavnoj sjednici, održanoj dana 15.08.2022. godine, donio je

R J E Š E N J E

Žalba se odbija

O b r a z l o Ź e n j e

Odlukom Centralne izborne komisije Bosne i Hercegovine, broj i datum navedeni u uvodu, odbijen je upis u izvod iz Centralnog biračkog spiska za glasanje izvan Bosne i Hercegovine za Opće izbore 2022. godine po podnesenim prijavama do 19.07.2022. godine, jer nisu ispunjeni uslovi propisani odredbom člana 3.15 stav 1., 2. i 3. Izbornog zakona Bosne i Hercegovine. U odnosu na žalitelj odbijen je upis iz razloga što potpis u prijavi nije potpisan svojeručno, kao i da nije identičan potpisu na identifikacionom dokumentu.

Protiv ove odluke žalitelj je blagovremeno izjavio žalbu ističući da se vrlo teško potpisati na svakom dokumentu isto.

Centralna izborna komisija Bosne i Hercegovine dostavila je ovom sudu odgovor na žalbu u kojem je predložila da se izjavljena žalba odbije kao neosnovana.

Ispitujući pobijanu odluku u okviru žalbenih navoda, vijeće Apelacionog odjeljenja Suda Bosne i Hercegovine je zaključilo da žalba nije osnovana.

Prema stanju u spisu ovo vijeće konstatuje da je Centralna izborna komisija BiH, prije donošenja ožalbene odluke, a prilikom razmatranja prijave za glasanje

izvan BiH podnesene elektronskim putem dana 16.07.2022. elektronskim putem u skladu sa Uputstvom o postupku slanja, prijema, obradom arhiviranja i zaštite elektronskih prijava državljana BiH za glasanje izvan BiH elektronskim putem („Službeni glasnik BiH“ broj: 27/22) godine, pravilno uočila da potpis na obrascu prijave za glasanje izvan BiH za izbore-PRP nije svojeručno potpisan prijavni obrazac svojeručno, kao i da nije identičan potpisu na identifikacionom dokumentu.

Postupajući na način opisan u prednje utvrđenom činjeničnom stanju, podnositeljica žalbe je postupila suprotno odredbi člana 3.15 stav (1) Izbornog zakona BiH („Službeni glasnik BiH“, broj 23/01 do 51/22), kojom je propisano da državljanin BiH koji privremeno živi u inostranstvu, a ima biračko pravo u skladu sa Zakonom i koji je upisan u Centralni birački spisak, da bi se nalazio u izvodu iz Centralnog biračkog spiska za glasanje van BiH, dužan je da za svake izbore podnese prijavu Centralnoj izbornoj komisiji BiH. Prijava mora biti zaprimljena u Centralnu izbornu komisiju BiH prije roka koji odredi Centralna izborna komisija BiH, u periodu nakon raspisivanja izbora. Uz popunjenu i potpisanu prijavu podnosilac prilaže i dokaz o identitetu i podatke o tačnoj adresi u inostranstvu, te izjašnjenje o opciji glasanja u diplomatsko-konzularnom predstavništvu ili putem pošte.

U konkretnom slučaju, pravilno je utvrđeno da potpis na prijavi nije potpisan svojeručno, odnosno da potpis na prijavnim obrascu ne odgovara i nije identičan onome na identifikacionom dokumentu države u kojoj ima boravište. Osim toga, podnositelj žalbe nije otklonio nedostatke u roku od dva dana od dana kada joj je poslata obavijest putem e-meila 24.07.2022. godine da otkloni nedostatke u prijavi. Tek uz žalbu ponovo prilaže prijavni obrazac sa potpisom iz kojeg se ni tada ne može utvrditi da je potpis na identifikacionom dokumentu identičan onome na prijavnim obrascu.

Iz navedenog razloga, i po shvatanju apelacionog vijeća, nisu ispunjeni uslovi da bi se žalitelj, u smislu člana 3.15 stav 6. Izbornog zakona BiH, našao na izvodu iz Centralnog biračkog spiska za glasanje van BiH.

Takođe, napomene radi, žalitelju nije oduzeto biračko pravo za Opće izbore 2022. godine, nego samo mogućnost glasanja putem pošte izvan BiH, jer ista može glasati na redovnom biračkom mjestu u općini u kojoj ima prijavljeno prebivalište u BiH.

Iz navedenih razloga Apelaciono upravno vijeće ovog suda nalazi da je pobijana odluka Centralne izborne komisije Bosne i Hercegovine pravilna i zakonita a žalba neosnovana, pa je istu primjenom odredbe člana 81. stav 1. Zakona o upravnim sporovima Bosne i Hercegovine („Službeni glasnik BiH“ broj 19/02 do 74/10) valjalo odbiti.

**PREDSJEDNIK VIJEĆA
S U D I J A**

Vesna Trifunović